

Leikskólinn Birkilundur



Ársáætlun
veturinn 2012-2013

Efni bæklingisins:	bls
Velkomin í Birkilund, opnunartími, netfang	2
Starfsfólk	2
Foreldrafundur	3
Foreldraviðtöl	3
Starfið á Kvistalandi	3
Íþróttahús	4
Gaman-saman	4
Starfið á Könglalandi	5
Strumpahópur - elsti árgangur leikskólans	7
Skipulags- og námskeiðsdagar	8
Dagskipulag	9

Velkomin í Birkilund

Opnunartími 7:45-16:00

sími 4538215

netfang: birkilundur@skagafjordur.is

heimasíða: www.skagafjordur.is - heimasíður stofnana

Starfsfólk

Kennarar á Könglalandi:

Ragnheiður Lára Brynjólfsdóttir er deildarstjóri. Af persónulegum ástæðum mun viðvera hennar ráðast af aðstæðum hverju sinni.

Kolbrún Jónsdóttir leikskólakennari vinnur frá 8:00-16:00 þriðjud., miðvikud. og fimmtud. og frá 8:00-14:00 á föstud.

Inga Bryndís Ingvarsdóttir íþróttakennari vinnur frá 8:10-16:10 á mánud., fimmtud. og föstud. og frá 8:00-16:00 á þriðjud. og miðvikud.

Hanna Björg Hauksdóttir vinnur frá 8:00-14:00 mánud., fimmtud. og föstud. og 8:00-16:00 á þriðjud.

Kennarar á Kvistalandi:

Sigríður M. Helgadóttir er deildarstjóri. Hún vinnur frá 8:00-16:00 alla daga. Hún er staðgengill leikskólastjóra.

Linda Björnsdóttir leikskólakennari vinnur frá 8:00-16:00 á mánud. og föstud. og frá 8:10-16:10 á þriðjud. og miðvikud.

Selma Guðjónsdóttir mætir kl 7:40 alla daga. Hún er til 16:00 alla daga nema á föstudögum hættir hún kl 14:20.

Faney Friðriksdóttir vinnur frá 8:00-14:00 á mánud. og miðvikud. og 8:00-16:00 á þriðjud. og fimmtud.

Leikskólastjóri: Steinunn Arnljótsdóttir vinnur alla jafnan frá kl 8:00-16:00, en sumir dagar eru þó lengri og aðrir styttri eftir því sem verkefni og aðstæður gera kröfu til.

Matráður: Aníta Ómarsdóttir vinnur frá 9:00-14:00.

Ræsting: Sigurlaug Markúsdóttir

Sérfræðingar hjá Fjölskyldusviði Skagafjarðar:

Dóra Heiða Halldórsdóttir þroskaþjálfari.

Inga Huld Þórðardóttir talmeinafræðingur

Ingvar Guðnason sálfræðingur

Selma Barðdal uppeldis- og sálfræðiráðgjafi.

Þessir aðilar koma af og til í leikskólann þegar við leitum til þeirra en ekki er unnið með einstök börn nema að fyrir liggja undirskrift foreldra á beiðni um sérfræðiaðstoð.

Foreldrafundur

Almennur foreldrafundur verður þriðjud. 2. okt. kl 20:00. Selma Barðdal kynnir SMT og kennarar Birkilundar segja frá og sýna hvernig það er kennt og notað hér. Eftir það verður kaffi og aðalfundur foreldrafélagsins.

Foreldraviðtöl foreldra við deildarstjóra munu fara fram á tímabilinu frá janúar fram í apríl.

Starfið á Kvistalandi

Á Kvistalandi eru 13 börn, 6 drengir og 7 stúlkur. Þrjú börn eru fædd árið 2009, átta börn árið 2010 og tvö börn árið 2011. Á mánudögum, þriðjudögum og föstudögum milli kl. 9:00 og 10:00 skiptum við barnahópnum í þrjá hópa og er einn kennari með hvern hóp. Við byrjum hópstarfið á því að hver hópur fer á sitt svæði þar sem boðið er upp á mismunandi verkefni allt eftir aldri og getu barnanna. Í hverri viku er unnið með ákveðið viðfangsefni þar sem börnin fá útrás fyrir sköpunargleði sína. Öll börnin fá tækifæri til að taka þátt í þeirri vinnu.

Allir hópar fara í könnunarleik einu sinni í viku. Í könnunarleik eru börnin í litlum hópum að skoða, handfjatla og kanna hluti

s.s. dósir, eggjabakka, plastflöskur, tappa, lykla, keðjur og ýmislegt fleira. Börnin eru af eigin hvötum að kanna hlutina og gera tilraunir á þeim. Hlutverk kennara er að vera til taks og fylgjast með án afskipta og gefa börnunum tækifæri til að uppgötva sjálf. Við erum daglega með samverustundir þar sem við syngjum, lesum sögur og spjöllum saman. Á miðvikudagasmorgnum förum við í íþróttahúsið með allan hópinn. Á fimmtudagsmorgnum kemur Kristín Halla Bergsdóttir tónlistakennari til okkar og stjórnar samverustund þar sem börnin fá að kynna hinum ýmsu hliðum tónlistar. Útivera er stór hluti af daglega starfinu, hreyfing og útivera eru samtengdir þættir

Við leggjum áherslu á leikinn, þar sem hvert barn fær notið sín á sínum forsendum.

Í leik gefst barni kostur á að efla alhliða þroska sem felst m.a. í líkams- og hreyfiþroska, tilfinningarþroska, vitsmunarþroska, málþroska, félagsþroska og félagsvitund, fagurþroska og sköpunarhæfni, siðgæðisþroska og siðgætisvitund.

Við kappkostum að hafa nægan tíma fyrir leikinn á Kvistalandi.

Íþróttahús

Þriðjudagar kl 9:10-10:00 - Fyrri hópur af Könglalandi

Þriðjudagar kl 10:00-10:50 - Seinni hópur af Könglalandi

Miðvikudagar kl 10:00-10:50 - Kvistaland

Gaman-saman

Samstarfsverkefni Birkilundar og Varmahlíðarskóla

Haustið 2007 fóru Birkilundur og Varmahlíðarskóli af stað með tilraunaverkefni. Markmiðið með því er að auka gagnkvæm samskipti á milli skólanna, m.a. til þess að auðvelda börnunum flutning á milli skólastiga og efla félags- og tilfinningaþroska. Elstu börn leikskólans fara í heimsóknir í mismunandi stofur og með ýmsum bekkjum í Varmahlíðarskóla og börn úr Varmahlíðarskóla koma í heimsókn í Birkilund.

Starfið á Könglalandi

Á Könglalandi í vetur eru 22 börn í vistun og skiptist jafnt, ellefu drengir og ellefu stúlkur. Sjö börn eru fædd árið 2007, tólf börn fædd árið 2008 og þrjú börn fædd árið 2009.

Hópastarfið hjá okkur verður 2-4 sinnum í viku, einn og hálfur tími í senn. Kennarar Könglalands leggja mikla áherslu á leikinn enda er hann meginnámsleið barna. Leikurinn er börnunum eðlislægur og þau leika sér á sínum eigin forsendum. Í Aðalnámskrá leikskóla stendur: *í leik geta börn unnið með og gert tilraunir með hugmyndir sínar og öðlast nýjan skilning og nýja þekkingu. Í leik skapast vettvangur þar sem spurningar vakna og börn leysa vandamál sem upp koma, á eigin forsendum. Í leik eflast vitræni og skapandi þættir. Leikurinn kallar á fjölbreytta notkun tungumálsins, hreyfingu, félagsleg samskipti og tilfinngatengsl. Leikur getur virkjað sköpunarkraft barna og löngun þeirra til að læra og afla sér þekkingar.*

Kolbrún Jónsdóttir verður með elsta hópinn, sjö börn sem ákváðu að heita Strumpahópur. Inga Bryndís Ingvarsdóttir verður með átta börn sem fædd eru 2008 og þau ákváðu að heita Drekahópur. Hanna Björg Hauksdóttir verður með fjögur börn fædd árið 2008 og þrjú börn fædd árið 2009 og heita þau Kúluhópur. Ragnheiður Lára Brynjólfsdóttir verður til aðstoðar með alla hópana.

Íþróttahústímarnir okkar verða á þriðjudögum og verður hópnum tvískipt, ellefu börn í hvorum hóp. Kristín Halla Bergsdóttir kemur síðan til okkar og mun sjá um tónlist á fimmtudögum og verður hópnum einnig tvískipt þar, 2007 börnin verða sér og síðan verða 2008 og 2009 börnin saman í einum hóp.

Myndsköpun, föndur, málörvun, tónlist, Skógarlundur og margt fleira skemmtilegt hópastarf rúllar síðan mismunandi

eftir vikum. Hóparnir munu fara til skiptis upp í Furuland.

Í hópatímum í vetur munu börnin vinna að:

- **Myndsköpun**, þar sem markmiðið er að barnið fái útrás fyrir sköpunarþörf sína, þroski með sér einbeitingu og eflingunni samhæfingu handa og augna. Barnið endurspeglar oft í myndverkum sínum þá reynslu sem það hefur upplifað, þær tilfinningar sem bærast með því og það sem því er hugleikið.
- **Tónlist**, þar sem markmiðið er að barnið þroski með sér næmi fyrir hljóðum, hreyfingu og hrynjanda í gegn um söng, hlustun (tónverk, hljóðaspil, ofl), hreyfingu (dans ofl.), hljóðgjafa og hljóðfæri.
- **Málörvun**, þar sem markmiðið er að efla markvisst hljóðkerfisvitund barnanna og búa þau þannig undir lestrarnám. Við notum bókina Markvissa málörvun ofl. og vinnum með þulur, rím, klappa atkvæði, spil, leiki, lestur og ritun.
- **Hreyfingu**, þar sem markmiðið er að barnið fái útrás fyrir hreyfiþörf sína og að auka/efla líkamlegt úthald. Til þess notum við leiki, íþróttahús og nánasta umhverfi til að fara í gönguferðir.
- **Félagsfærni**, þar er unnið með **Stig af stigi** og munu elstu börnin fara einu sinni í viku í það.

Einnig ætlum við að vera dugleg að fara í ýmiskonar skoðunar- og vettvangsferðir um nánasta umhverfi okkar og einnig mun 2009 börnin fara í heimsókn í Víðimýrarkirkju. Þá munu allir á Könglalandi fara í sveitaferð á vormánuðum.

Strumpahópur - elsti árgangur leikskólans

Strumpahópur mun a.m.k. fara einu sinni í viku í fjölbreytt og skemmtileg verkefni. Markmiðið með þessum verkefnum er að bjóða elstu börnunum upp á fjölbreytt og þroskandi

verkefni sem stuðla að sjálfstæði og sjálfspekkingu þeirra og efla með þeim vináttu og samkennd. Leitast verður við að rækta tjáningar og sköpunarmátt barnanna til að styrkja sjálfsmynd þeirra, öryggi og getu til að leysa mál sín á friðsamlegan hátt. Að börnin þjálfist í að vinna saman og sýna öðrum tillitssemi og umburðarlyndi. Stuðla að því að börnin öðlist færni sem talin er nauðsynleg þegar leikskóla líkur og grunnskólinn tekur við.

Öll þessi vinna Strumpahópsins er miðuð við að komið sé til móts við mikla fróðleiksfýsn og aukna getu elstu barnanna, með því að gefa þeim kost á erfiðari viðfangsefnum, sem krefjast meiri einbeitingar og úthalds. Þetta eru ýmis leikskólaverkefni sem byggja á starfsaðferðum og hugmyndafræði leikskóla.

Á hverju hausti er lagt fyrir elstu börn leikskólans próf í leikjaformi, til að kanna hljóðkerfisvitund þeirra. Í þessum leikjum eru börnin að ríma, búa til ný orð og leika sér með orð og hljóð á margan hátt. Þessi leikur að orðum og hljóðum er undanfari lestrarnáms. Hæfnin eða þroskinn til að geta slíkt kallast hljóðkerfisvitund. Prófið gefur vísbendingar um hvaða börn eru líkleg til að eiga síðar í erfiðleikum með lestrarnám. Tilgangurinn með því að nota þetta próf er að finna þessi börn og þjálfva hljóðkerfisvitund þeirra.

Í hópastarfinu er unnið á margvíslegan hátt að þjálfun hljóðkerfisvitundar. Notuð eru verkefni og leikir úr bókunum: Markviss málörvun, Leggðu við hlustir, Ljáðu mér eyra og Tölum saman.

Gaman - saman verkefnið heldur að sjálfsögðu áfram og mun Stumpahópurinn vera duglegur að fara í Varmahlíðarskóla til að kynnast skólanum, börnunum, kennurunum og öðru starfsfólki þar. Börnin úr Varmahlíðarskóla verða einnig dugleg að koma til okkar í heimsóknir. Einnig mun Strumpahópurinn fara í ýmiskonar skoðunar- og vettvangsferðir m.a. í heimsókn í

byggðasafnið í Glaumbæ. Starfinu hjá Strumpahópnum líkur formlega með útskrift þann 15. maí 2013.

Skipulags- og námskeiðsdagar – leikskólinn lokaður

Fimmtudagur 16. ágúst	Starfsdagur
Föstudagur 17. ágúst	Fræðsludagur
Föstudagur 28. september	Haustþing
Miðvikudagur 27. mars	v/starfsmannafunda*
Þriðjudagur 2. apríl	Starfsdagur
Þriðjudagur 28. maí	Starfsmannafundur

*starfsmannafundir eru haldnir utan vinnutíma og starfsfólk fær frí á móti.

Dagskipulag á Könglalandi

07:45 leikskólinn opnar, val
08:00 val
08:15 morgunmatur/val
09:00 hópastarf á Könglalandi og í Furulandi
10:00 ávaxtatími
10:15 val/útivist
11:30 söngur - samverustund
11:50 hádegismatur
12:20 lestur - útivera
13:00 útivera
14:30 rólegir leikir
15:00 síðdegisdrykkur
15:30 frjáls leikur
16:00 leikskólinn lokar

Dagskipulag á Kvistalandi

07:45 leikskólinn opnar, leikur
08:30 morgunmatur
09:00 hópastarf
10:00 ávaxtatími
10:30 útivera
11:30 börnin koma inn, þvottur og bleiuskipti
11:45 hádegismatur
12:10 hvíld/samverustund
13:00 útivera/leikur inni
15:00 síðdegisdrykkur/leikur/samvera
16:00 leikskólinn lokar